

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2713/23
Sarajevo, 27.11.2023. godine

Z A P I S N I K
5. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 27.11.2023. godine

Sjednica je počela sa rdom u 12:23.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio predsjednicu Federacije BiH Lidiju Bradaru, potpredsjednika Federacije, ministre u Vladi Federacije BiH, predstavnike medijskih kuća i Međunarodne organizacije te delegate.

Izostanak sa sjednice najavili su delegati Goran Broćeta, Duško Radun i Jelena Pekić.

Prema evidenciji Stručne službe, sjednici prisustvuje 65 delegata, što čini većinu, pa Dom naroda može raditi i punovažno odlučivati.

Predsjedavajući je govorio o situaciji vezano uz saniranje štete u sali u kojoj zasjeda Parlament Federacije BiH, te zahtjeva da se u najkraćem roku osiguraju uvjeti za nesmetano zasjedanje Parlamenta te traži od nadležnih tijela, Federalnog tužilaštva i Federalnog pravobranilaštva rješavanje pravnog statusa zgrade.

Predsjedavajući je predložio da delagati prije prelaska na rad glasaju o usvajanju zapisnika 4. i 3. vanredne sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 60 glasova za, bez glasova protiv i bez uzdržanih glasova, usvojio Zapisnik sa 4. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 60 glasova za, bez glasova protiv i bez uzdržanih glasova, usvojio Zapisnik sa 3. vanredne sjednice Doma naroda Parlamenta Federacije BiH.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative.

Fatima Gavrankapetanović-Smailbegović je podnijela jednu inicijativu koju je uputila Vladi Federacije BiH i Federalnom ministarstvu zdravstva, a u vezi sa uvrštavanjem oboljenja reumatoidnog artritisa u program Fonda solidarnosti.

Sanela Klarić je podnijela tri inicijative koje je uputila Vladi Federacije BiH, Federalnom ministarstvu prostornog uređenja, Federalnom ministarstvu poljoprivrede vodoprivrede i šumarstva i Federalnom ministarstvu okoliša i turizma.

Prva inicijativa se odnosi na hitno vraćanje teksta Uredbe o određivanju zahvata u prostoru i građevina za koje Federalno ministarstvo prostornog uređenja izdaje urbanističku suglasnost, a koja je izmijenjena u aprilu ove godine.

Drugu inicijativu je uputila prema Ministarstvu prometa i komunikacija, Javnom preduzeću Autoceste Federacije BiH da u saradnji sa nadležnim iz kantona i organa lokalne samouprave pokrenu aktivnosti na izgradnji zaštite od buke na autoputu A1 od naplatne kućice Vogošća u smjeru prema Zenici.

Treću inicijativu je uputila prema Federalnom ministarstvu poljoprivrede, vodoprivrede i šumarstva u vezi sa stavljanjem van snage Pravilnika o uvjetima za osnivanje i obavljanje veterinarske djelatnosti i načinu dodjele područja djelovanja.

Iva Raguž je postavila pitanje Federalnom ministarstvu zdravstva – u kojoj fazi je procedura o izmjenama naredbe o standardima i normativima zdravstvene zaštite iz obaveznog zdravstvenog osiguranja u Federaciji BiH.

Vedrana Vujović je postavila pitanje Vladi, odnosno premijeru Federacije BiH Nerminu Nikšiću u vezi sa planom i namjerama Vlade Federacije BiH da od 1.1.2024. godine ublaži pad životnog standarda penzionera u Federaciji BiH i njihovog socijalnog položaja.

Damir Marjanović je dao podršku inicijativi predsjedavajućeg u vezi sa saniranjem štete u sali.

Također, postavio je pitanje federalnoj ministrici obrazovanja i nauke Jasni Duraković u vezi sa Budžetom za 2024. godinu i sastavom savjeta za nauku na federalnom nivou.

Sandra Imširović ponovila je ranije postavljeno pitanje Federalnom ministarstvu pravde, na koje nije dobila odgovor, a vezano je uz sastav radne grupe koja je predložila izmjene i dopune Nacrta Zakona o izmjenama i dopuni Porodičnog zakona Federacije BiH.

Emir Dautović je postavio dva delegatska pitanja.

Prvo pitanje je uputio federalnom ministru poljoprivrede, vodoprivrede i šumarstva Kemalu Hrnjiću a odnosi se na stimulisanje poljoprivrednika i uvažavanje njihovih zahtjeva.

Drugo pitanje je uputio premijeru Vlade Federacije BiH Nerminu Nikšiću, a odnosi se na planirani sastanak u vezi sa inicijativom koju je uputio za izradu Zakona o sportu Federacije BiH.

Aida Obuća je postavila jedno pitanje Vladi Federacije BiH vezano uz upućivanje u parlamentarnu proceduru Strategiju za prevenciju i borbu protiv nasilja u porodici 2021. - 2027. godina, a koja je povučena iz parlamentarne procedure 2023. godine.

Boris Mrnjavac je podnio inicijativu Federalnom ministarstvu prometa i komunikacija i Javnom preduzeću Ceste Federacije BiH za prekategorizaciju ceste Lepenica – Han Ploča iz regionalne ceste R443A u magistralnu cestu.

Azhar Sejarić je uputio inicijativu premijeru Vlade Federacije BiH Nerminu Nikšiću i ministru pravde Vedranu Škobiću da se što prije krene sa izradom Nacrta Zakona o općinama i gradovima od posebnog značaja za Federaciju BiH kako bi u roku 60 dana on bio predmetom razmatranja.

Fahrudin Čolaković je uputio inicijativu Vladi Federacije BiH za izmjene i dopune Zakona o pravima demobiliziranih branitelja Federacije BiH u cilju uvođenja boračkog braniteljskog dodatka za penzionisane pripadnike oružanih snaga i za pripadnike oružanih snaga u radnom odnosu u smislu uvođenja 13. penzije, odnosno 13. plaće.

Muamer Zukić je postavio dva delegatska pitanja.

Prvo pitanje je uputio Federalnom ministarstvu unutrašnjih poslova i premijeru Federacije BiH a tiče se trenutnog sigurnosnog stanja u BiH a vezano uz postojanje kampova za obuku paravojnih formacija u Republici Srpskoj koje organizuju određene ruske paravojne formacije.

Drugo pitanje je uputio Vladi Federacije BiH u vezi sa planom normativnih aktivnosti koje planira razmatrati u narednom periodu.

Ivo Šimunović je uputio tri pitanja Federalnom tužilaštvu, odnosno glavnom tužitelju Munibu Haliloviću.

Prvim pitanjem je zatražio informaciju o odbačenim prijavama, njihovim osnovama i provođenju istrage po prijavama iz 2017. godine protiv nosilaca izvršne vlasti na nivou općine Jajce.

Drugim pitanjem traži informaciju vezanu uz podnesenu prijavu advokata Tomislava Brekala protiv načelnika Općine Jajce zbog krivičnog djela zloupotrebe položaja ili ovlasti koju je Tužilaštvo 3.11.2021. godine odbacilo.

Treće pitanje se odnosi na informaciju o poduzetim radnjama kantonalnog tužilaštva Kantona Središnja Bosna nakon dostavljenog rješenja o izvršenoj reviziji pretvaranja i privatizacije privrednog društva Elektro Bosna d.d. Jajce jer postupak privatizacije nije proveden u skladu sa zakonom i drugim propisima.

Također, zamolio je Stručnu službu Doma naroda da ova pitanja dostavi Agenciji za prevenciju korupcije i koordinaciju borbe protiv korupcije nosioca funkcija u zakonodavnoj, izvršnoj i sudskoj vlasti na svim nivoima.

Damir Džeba je postavio pitanje Kolegiju Doma naroda Parlamenta Federacije BiH u vezi sa Zaključkom kojim se pokreće izrada i izmjena dopuna Etičkog kodeksa zastupnika u Predstavničkom domu Parlamenta Federacije BiH, usvojenog na 3.

sjednici Predstavničkog doma Parlamenta Federacije BiH, održanoj 6. jula 2023. godine, i da li postoji važeći etički kodeks po kojem Etička komisija mora djelovati.

Vibor Handžić je pitanje uputio resornom ministarstvu, a odnosi se na Zakon o prijevozu opasnih materija koji je Vlada Federacije BiH povukla sa jedne od prethodnih sjednica Predstavničkog doma Parlamenta Federacije BiH i dnevnog reda sjednice Doma naroda Parlamenta Federacije BiH, te kada će on biti ponovo vraćen u parlamentarnu proceduru.

Zora Dujmović je uputila inicijativu Federalnom ministarstvu raseljenih lica i izbjeglica, odnosno ministru Nerinu Dizdaru da se odlukom o programu utroška sa kriterijima raspodjele za 2024. godinu predvide sredstva za povratničke porodice u općini Bosansko Grahovo.

Ilija Nakić je uputio inicijativu Ministarstvu zdravstva i Vladi Federacije BiH u vezi sa nabavkom dijagnostičkog aparata PCT namijenjenog za pregled i dijagnostiku onkoloških pacijenata te predložio Vladi Federacije BiH da u koordinaciji sa kantonalnim vladama razmotri mogućnost nabavke barem dva aparata PCT.

Miomirka Melank je podnijela dvije inicijative.

Prva se odnosi na ubrzani proces donošenja Etičkog kodeksa i osudu slučajeva rodno zasnovanog vrijeđanja i nasilja.

Drugu inicijativu je uputila Vladi Federacije BiH, vezano za dopunu i izmjenu Uredbe o uređenju gradilišta, obavezne dokumentacije na gradilištu i učesnicima u građenju u dijelu koji se tiče angažmana i stalnog zapošljavanja građevinskog inženjera u zavodima za zaštitu kulturno-historijskog i prirodnog naslijeđa ili izradu druge uredbe koja se odnosi na ovu materiju.

Nakon toga prešlo se na utvrđivanje dnevnog reda.

Vlada Federacije BiH dostavila je Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH sa prijedlogom da se razmatra po skraćenom postupku.

Na osnovu člana 164. Poslovnika o radu Doma naroda, potrebno je da se Dom izjasni hoće li se ovaj prijedlog Zakona razmatrati po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 53 glasa za, bez uzdržanih glasova i bez glasova protiv, prihvatio prijedlog da se Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez uzdržanih glasova i bez glasova protiv, prihvatio sljedeći:

DNEVNI RED

1. Odluka Ustavnog suda Bosne i Hercegovine, broj: U-12/23 od 28.9.2023. godine,
2. Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH - skaćeni postupak,
3. Prijedlog Odluke o usvajanju Strategije zapošljavanja u Federaciji BiH (2023. - 2030. godina),
4. Federalna strategija zaštite okoliša 2022. - 2032. godina i Strategija upravljanja vodama Federacije BiH 2022. - 2032. godina,
5. Kvartalni izvještaj o dugu Q2/2023,
6. Izvještaj o zaduženju Federacije BiH na osnovu emisije obveznica (Aukcija 5.9.2023. - 5Y - 40 mil.),
7. Izvještaj o zaduženju Federacije BiH na osnovu emisije obveznica (Aukcija 26.9.2023. - 7Y - 40 mil.),
8. Izvještaj o zaduženju Federacije BiH na osnovu emisije obveznica (Aukcija 3.10.2023. - 6Y - 30 mil.),
9. Izvještaj o zaduženju Federacije BiH na osnovu emisije obveznica (Aukcija 17.10.2023. - 5Y - 30 mil.),
10. Informacija o vanjskom i unutrašnjem dugu Federacije BiH na dan, 31.12.2022. godine.

1. Odluka Ustavnog suda Bosne i Hercegovine, broj: U-12/23 od 28.9.2023. godine

Ustavni sud Bosne i Hercegovine dostavio je Parlamentu Federacije BiH Odluku broj: U-12/23 od 28.9.2023. godine, kojom je utvrđeno da član 20. Zakona o plaćama i naknadama u organima vlasti Federacije BiH („Službene novine Federacije BiH“, br. 45/10, 111/12, 20/17, 22/19 i 94/20) nije u skladu sa Ustavom Bosne i Hercegovine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 52 glasa za, bez uzdržanih i bez glasova protiv, prihvatio sljedeći:

ZAKLJUČAK

Zadužuje se premijer Federacije BiH da u skladu sa Ustavom Federacije BiH osigura izvršenje Odluke Ustavnog suda Bosne i Hercegovine, broj: U-12/23 od 28.9.2023. godine.

2. Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH - skaćeni postupak

Tekst Prijedloga Zakona utvrdila je Vlada Federacije BiH.

Predstavnićki dom obavijestio je Dom naroda da je na 6. sjednici, održanoj 26.10.2023. godine, usvojio Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH u tekstu kako ga je predložila Vlada Federacije.

Prijedlog Zakona su razmatrala nadležna radna tijela.

Prijedlog Zakona obrazložio je Marinko Bošnjak, pomoćnik ministra u Federalnom ministarstvu energije, rudarstva i industrije.

U raspravi su učestvovali: Fatima Gavrankapetanović-Smailbegović, Miomirka Melank, Damir Džeba i Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 57 glasova za, bez uzdržanih i bez glasova protiv, prihvatio sljedeći:

ZAKLJUČAK

Dom naroda Parlamenta Federacije BiH zadužuje Vladu Federacije BiH da u roku 60 dana izradi i Domu naroda dostavi informaciju o efektima implementacije Zakona o finansijskoj konsolidaciji privrednih društava u Federaciji BiH, koja uključuje podatke o izmirenim i neizmirenim dugovanjima za svako privredno društvo za koje je Vlada odobrila pokretanje postupka o finansijskoj konsolidaciji u periodu 2014.-2023. godina.

Ovaj zaključak stupa na snagu danom donošenja i objavit će se u „Službenim novinama Federacije BiH“.

3. Prijedlog Odluke o usvajanju Strategije zapošljavanja u Federaciji BiH (2023. - 2030. godina)

Prijedlog Odluke o usvajanju Strategije zapošljavanja u Federaciji BiH (2023.-2030. godina) Parlamentu Federacije BiH dostavila je Vlada Federacije BiH, radi razmatranja i donošenja.

Predstavnićki dom obavijestio je Dom naroda da je na 6. sjednici, održanoj 26.10.2023. godine, donio Odluku o usvajanju Strategije zapošljavanja u Federaciji BiH.

Prijedlog odluke su razmatrala nadležna radna tijela.

Prijedlog Odluke obrazložio je Adnan Delić, federalni ministar za rad i socijalnu politiku.

U raspravi su učestvovali: Damir Marjanović, Vedrana Vujović, Amir Orlović, Belma Kapo, Aida Obuća, Almir Babajić, Enes Peštek, Emir Dautović, Fatima Gavrankapetanović-Smailbegović, Fahrudin Čolaković, Sanela Klarić, Adnan Delić i Nezim Alagić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 59 glasova za, bez uzdržanih i bez glasova protiv, donio Odluku o usvajanju Strategije zapošljavanja u Federaciji BiH (2023. - 2030. godina).

4. Federalna strategija zaštite okoliša 2022. - 2032. godina i Strategija upravljanja vodama Federacije BiH 2022. - 2032. godina

Vlada Federacije BiH dostavila je Parlamentu Federacije BiH Strategiju zaštite okoliša i Strategiju upravljanja vodama Federacije BiH 2022.-2032. godina radi razmatranja i donošenja.

Predstavnički dom je obavijestio Dom naroda da je na 6. sjednici, održanoj 26.10.2023. godine, donio Federalnu strategiju zaštite okoliša i Strategiju upravljanja vodama Federacije BiH 2022.-2032. godina.

Strategije su razmatrala nadležna radna tijela.

Strategije je obrazložila Nasiha Pozder, federalna ministrica okoliša i turizma.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 55 glasova za, bez uzdržanih i bez glasova protiv, donio Federalnu strategiju zaštite okoliša 2022. - 2032. godina i Strategija upravljanja vodama Federacije BiH 2022. - 2032. godina.

5. Kvartalni izvještaj o dugu Q2/2023

Vlada Federacije BiH dostavila je Parlamentu Federacije BiH Izvještaj o dugu Q2/23, radi informiranja.

Federalni ministar razvoja, preduzetništva i obrta uputio je izvinjenje delegatima zbog neprisustva predstavnika Vlade.

U raspravi su učestvovali Emir Dautović i Tomislav Martinović.

Budući da je ovaj izvještaj dostavljen radi informiranja, predsjedavajući je konstatovao da je Dom naroda Parlamenta Federacije primio na znanje Kvartalni izvještaj o dugu Q2/2023.

Predsjedavajući je objedinio 6., 7., 8. i 9. tačku dnevnog reda:

6. Izvještaj o zaduženju Federacije BiH na osnovu emisije obveznica (Aukcija 5.9.2023. - 5Y - 40 mil.);
7. Izvještaj o zaduženju Federacije BiH na osnovu emisije obveznica (Aukcija 26.9.2023. - 7Y - 40 mil.),
8. Izvještaj o zaduženju Federacije BiH na osnovu emisije obveznica (Aukcija 3.10.2023. - 6Y - 30 mil.),
9. Izvještaj o zaduženju Federacije BiH na osnovu emisije obveznica (Aukcija 17.10.2023. - 5Y - 30 mil.).

Predsjedavajući je konstatovao da je Dom naroda Parlamenta Federacije primio na znanje ove izvještaje.

10. Informacija o vanjskom i unutrašnjem dugu Federacije BiH na dan, 31.12.2022. godine.

Predsjedavajući je konstatovao da je Dom naroda Parlamenta Federacije BiH primio na znanje Informaciju o vanjskom i unutrašnjem dugu Federacije BiH na dan, 31.12.2022. godine.

Također, predsjedavajući je napomenuo da će se ubuduće tačke za čije obrazloženje nema predstavnika ovlaštenih predlagača skidati sa dnevnog reda.

Sjednica je završila rad u 15 sati i 59 minuta.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović